

四
紅
生
仁
絲

丁亥秋陳耽



二

皇明四朝成仁錄卷三

屈大均原著

葉恭綽校訂

沔陽死事傳

沔陽死事曰馬飈

馬飈者沔陽州州同也崇禎十四年獻賊襲陷襄陽知州
議募兵為守有費生者年甚少家貲鉅萬首倡募得人為
最知州亦自募兵三百每門團長二人六門凡十二人而
委所募兵於團長身與飈各率役屬分行鄉落鼓勵百姓
以禦賊比歸賊勢益急沔陽四面環河惟東城陸口知州
溝之城有浮橋復火之三月賊至知州閉城與飈分門固

守費生距河而軍擊曰不利徒眾因擁費生以逸知州乘
間亦潛去而麌不知也賊渡左右曰知州去矣盍亦隨之
麌不可命開門縱士民出而已投水以死

據明紀
十六年正月
麌死於

屈大均曰知州不死州同死州有州同口口口馬公一死
沔陽州至今聞風皆興起

葉縣死事傳

葉縣死事曰劉國能曰張我翼

劉國能明史本傳
云延安人初為流賊號閻塌天河南巡撫常道立

招之國能性至孝奉其母命就撫崇禎十三年六月平賊

將軍左良玉遣國能圍賊於瑪瑙山賊獻忠食盡分其眾

四出抄掠不得糧歸者殺之未歸者詣嗣昌降良玉使國

能將之前行詐稱糧至獻忠開營迎入國能眾大呼奮擊

掃其營壘擒賊妻孥與徐以顯潘獨鰲等送襄陽獄獻忠

竄入山中襄陽知府王承曾見獻忠妾悅之故疏其防賊


得脫十四年九月國能分守葉縣賊至力戰不支城陷自

成謂國能曰爾本故人何為不服我國能曰我昔不肖與

公等為賊今王臣也位居副總兵其可以悖國恩而復為
賊乎因自刎死明史本傳作賊殺之其子方八齡自成抱置膝上欲
收養之不從自解所帶小刀自刎死葉縣知縣張我翼被
執亦死之我翼涇陽人舉人

屈大均曰論者謂崇禎十一年十二年間賊屢挫於秦師
至強如李自成亦盡失其眾竄伏於崎函之間饑餓於赤
地之際且事勢不一同黨相讐眾心思降稍稍悔禍此劉
國能李萬慶王光恩常國安惠登相王國寧等所以去逆
效順以督撫駕馭得宜且轉而為我用也當獻忠汝才歸
命之時御之有方乘自成破敗數騎來歸將俘執之以為
功而寇氛滅矣不幸以事權委之文燦惟賄是求得其碧

玉長尺餘者二珠徑寸者十致降人輕而怨恨之以至於甚敗獻忠反時以文燦謀求事狀榜之道塗且曰不受我錢者內惟大司馬外惟道臣張克儉而已嗚呼文燦於招撫之外絕無長策貪欲無厭遂至傾覆邦家然自穀房之叛房明史李自成及張獻忠傳作城自成方以數騎西竄獻忠之島張亦屢挫於諸師嗣昌以樞輔之重奉上方威靈號令一新三軍改色一勝於楚再勝於四川蓋茲小醜何不可以尺組繫之乃事機失之稍緩謀策失之不行諸將離心兵疲餉竭開縣之敗獻忠得志自成亦乘隙而起名城親藩連遭屠戮行間銳氣掃地無餘而國變決於此矣嗚呼



襄城死事傳

襄城死事曰汪喬年曰黨戚

汪喬年字歲星浙江遂安人天啟二年進士歷任刑部郎中出知青州府事擢登萊道副使明史本傳作登萊兵備副使督學陝西按察使性英敏諸獄決告令錢穀鈞會及殿最士子皆自程量立剖決特以廉幹稱崇禎十四年賊李自成并張獻忠八萬眾萬原作萬據徐本改勢猖獗朝議以傅宗龍為秦督特授喬年兵部侍郎副都御史巡撫陝西明史本傳作總督三邊軍務烈皇小識卷七作總督鮑琦亭集卷十二曲先生空石文作督師與同討賊喬年受命書大旗曰汪喬年以死報國出入自隨人皆屬目聳異之聞自成將謀入關喬年率將士馳至商雒廣棣櫓飭烽堠部署

未定適宗龍至與謀畫戰守喬年送之出關曰公破賊喬
年當率所統為後距後距本作援相與忼慨泣數行下宗龍率
李國奇賀人龍與保督會至孟家莊賊伏兵掩擊國奇等
遁走宗龍鑿塹拒守七日援兵不至潰圍出死於項城喬
年聞敗嘆曰傅公死討賊無人矣吾旣以身許國不可不
出繫眾心遂誓師至鄭襄城父老出迎移軍駐焉復出舍
交綏先是喬年密奉上諭使米脂知縣邊大受發自成祖
父冢自成故憤甚時圍左良玉於郾城聞喬年出屬聲曰
是發我先墓者耶撤郾城圍督眾奮擊喬年一軍盡沒收
殘兵數百退保襄城五日城陷明史莊烈帝本紀作十五
史本傳作二月二日喬年二月丁巳十七城陷明
入襄城二十七日城陷自刎未殊被執大罵被賊磔死

事聞詔立祠陳氏曰喬年久歷外任卽泮要歲時無所餽
遺有以竿牘至者皆峻拒不少徇群小欲中以法然以其
名高不果值其撫秦遂以邊才陞總制名為尊顯實假手
於賊以快其忿任總制未幾赴援河南師次襄城及旣接
大帥賀人龍等久蓄異志皆奔潰去喬年孤軍城守賊以
數十萬百道攻之喬年坐矢石間隨機以應殺賊數千人
賊憤甚左右泣諫曰眾寡不敵公盍自為計喬年怒奮拳
擊之城陷手刃三賊乃被執賊割其耳鼻磔之以死其罵
賊之聲至今襄城人猶轟然在耳也祠名忠烈俎豆今勿
絕云喬年有才武膂力絕人善騎射擊刺

黨威字振宇神木人以西安參將歷戰功經略丁啟睿器

之崇禎十五年二月督師汪喬年統兵二十萬至河南勦
賊威以中軍副將從之當是時李自成等凡八十餘萬一
日十七戰威衡鋒陷陣身被大創意氣不衰賊稍憚之賊
勢日盛喬年移駐襄城為持久計威與曹文詔以兵萬餘
衛之張案曹文詔崇禎八年六月已戰死綽案詔徐本作紹或別一人賊大修攻具威且
戰且守城中乏食勢不可支請暫退關中休養喬年不可
比賊圍急威登城見賊帥旗在南疾引精騎數二十出西
門從間道突衝其營斬左右數十人奪帥旗而還次日又
率千餘騎出擊當者披靡食盡外救不至城陷喬年被執
威持佩刀格戰被數創自刎屍不仆者移時喬年中軍
總兵馬鳴廉單騎馳救出入賊壘者三歿於陣中

南陽死事傳

南陽死事曰猛如虎

猛如虎者蒙古人也崇禎初與虎大威來降延綏巡撫易其名時稱曰猛虎二將數有戰功陞援勦副總兵十二年三月督師楊嗣昌次荆門立大勦營更戲下騎兵為上將營以如虎將之分勦流賊於楚蜀十三年十一月賊羅汝才過天星入蜀張獻忠合營安岳諸總兵左良玉賀人龍李國奇張應元汪雲鳳張奏凱等會師於夔州督師監軍萬元吉以諸軍進止不一宜立大帥以統之乃以如虎為正總統應元為副總統兵發保寧趨綿州分屯要害如虎至安岳選驍騎逐賊元吉與應元屯安岳城下十四年正

月獻忠走達州嗣昌檄諸軍追蹤人龍頓兵廣元不進如虎率諸將及賊於開縣日暮雨作諸將請詰朝進戰如虎

曰明史本傳作
劉士杰曰

自瀘州逐賊馳驚四旬僅而及賊今及賊

不戰何用求賊請為諸軍先登揮戈而前賊披靡獻忠望

後軍無繼以精銳繞山谷中出官軍後馳而下諸軍先潰

如虎子先捷戰死如虎突圍而出三月嗣昌自經死元吉

部署行營命如虎駐蘄黃以防獻忠東逼二月李自成大合群賊圍開封陷歸德左良玉自襄陽進師次南陽獻忠

等將北向如虎扼之於德安會痘發背退屯承天十一月

自成破襄城遂圍南陽城陷

按襄城死事傳作十五年二月襄城陷明史本傳作二月

襄城陷十一月南陽陷

唐王遇害如虎死之大威後為總兵戰死山

西當如虎死時有劉光祚者字鴻基

明史本傳云
榆林衛人

以父國


鏞廢授官積功至保定提督

明史本傳作
保定總兵官

三關總兵隨嗣

昌勦賊過南陽唐王留守郡城自成兵數十萬攻之光祚

血戰七晝夜力盡死之贈太保賜諭祭



通許死事傳

通許死事曰費曾謀

費曾謀字耕道鉛山人大學士文憲公宏之從玄孫也家世傳臚者二已成進士者六舉人七餘登膾仕者甚眾曾謀以五經應貢廷試第一文章奇奧有聲崇禎十四年知通許縣賊自完趨汴所過屠滅郡縣皆望風下曾謀至任甫月餘賊以萬眾薄城曾謀執矢登陴晝夜捍禦乃屬其父老曰糧食且盡事去矣事字原缺據徐本補徒死守貽若屠無益也我生不能全若我死而若全矣父老哭留弗得正衣冠北拜懷印入井中以死城陷賊得其屍葬之邑人為之編

素一日

屈大均曰嗟夫城之與民有可捐有不可捐有時城重於
民而與之効死弗去有時而民重於城則捐城而以一身
殉之通許地非衝要令死而民得以生亦仁人之義也夫